

# NASIONALE SENIOR SERTIFIKAAT

**GRAAD 12** 

## AFRIKAANS EERSTE ADDISIONELE TAAL V3

**NOVEMBER 2012** 

**MEMORANDUM** 

**PUNTE: 100** 

Hierdie memorandum bestaan uit 21 bladsye wat drie rubrieke insluit.

#### **ALGEMEEN**

1. Gebruik die rubrieke in die assesseringsriglyne.

Bylaag A:	Vraag 1	Opstel
Bylaag B:	Vraag 2.1	Formele Brief
	Vraag 2.2	Toespraak
	Vraag 2.3	Dialoog
	Vraag 2.4	Skoolkoerantartikel
Bylaag C:	Vraag 3.1	Advertensie
	Vraag 3.2	Poskaart
	Vraag 3.3	Instruksies

- 2. Bestudeer en bespreek die rubrieke baie deeglik. Let veral daarop dat beplanning, formaat, redigering en struktuur by die rubrieke ingesluit is.
- As 'n onderwerp misgetas is, word die leerder se antwoordeboek na die senior nasiener verwys. Die kandidaat moet volgens die rubrieke baie laag op inhoud aangeslaan word.
- 4. Indien daar twyfel oor 'n onderskeidingskandidaat se skryfstuk(ke) bestaan, moet dit eweneens met die senior nasiener bespreek word.
- 5. Indien 'n skryfstuk **grootliks uit die vraestel saamgeflans** word of dele van opdragte uit die vraestel net so oorgeskryf word, ontvang die kandidaat **geen punte nie**. Kommentaar sal wees: **Nie eie werk nie/Saamgeflans.** Indien dele van die skryfstuk wel die leerder se eie werk is, assesseer hierdie dele volgens die laagste kode.
- 6. Die nasiener moet die voorgeskrewe nasiensimbole (bl. 3) gebruik by die nasien van 'n skryfstuk. Om net strepe te trek, is ONAANVAARBAAR.
- 7. By skryfstukke wat te lank is, word die maksimum lengte nagesien en 'n streep deur die res getrek.
- 8. Riglyn by die afwyking van die voorgeskrewe lengte by skryfstukke.

AFDELING	Amper korrek	Te kort/te lank	Heeltemal te kort/te lank
Afd. A: Opstel 250–300 woorde	240–249 301–310	230–239 311–320	Minder as 230 Meer as 320
Afd. B: Langer transaksionele teks 120–150 woorde	113–119 151–157	106–112 158–164	Minder as 106 Meer as 164
Afd. C: Korter transaksionele teks 80–100 woorde	75–79 101–105	69–74 106–111	Minder as 69 Meer as 111

# 9. **By Vraag 1.6:**

- Indien die titel en inhoud nie ooreenstem nie, moet die titel geïgnoreer word. Die rubriek maak nie voorsiening vir sodanige penalisering nie.
- Die onderwerpe kan verhalend, beskrywend, bespiegelend, beredenerend of argumenterend wees. Die prente dien slegs as prikkels.

#### SIMBOLE/TEKENS BY DIE NASIEN

Die volgende simbole/tekens behoort deur die onderskeie provinsies gebruik te word.

VERDUIDELIKING	SIMBOOL	BESKRYWING
Woordorde	()	Hakies en kort pyltjie
Spelfout	=	Twee kort strepies onder 'n woord
Woordkeuse	1	Haal met 'n streep deur
Tydfoute	<b>T</b> (in die kantlyn)	Hoofletter <b>T</b>
Woord(e) weggelaat	^	Weglaatteken
Taalfoute		Enkelstreep onder die taalfout
Paragraafindeling	//	Dubbele skuinsstreep
Paragraaf is een lang, lomp	[	Begin van 'n nuwe sin
sin		
Woorde uit ander tale/*nie-	X	Trek 'n X oor die verkeerde woord.
funksionele/vreemde woorde		
*Standaardafrikaans bly die norm.		
Gebruiksafrikaans moet vermy word.		
Aanvaar terme waarvoor Afrikaans		
nog nie ekwivalente het nie.		
Aanvaar ook gemotiveerde		
Afrikaanse streekswoorde/ streeksuitdrukkings.		
Erkenning van taaljuweeltjies	√(bo die woord)	Regmerkie bokant goeie taalgebruik,
l Linearing van taarjaweergiee	(Se die Weerd)	idees of uitdrukkings.
Herhaling	<b>hh</b> (in die kantlyn)	Dubbele <b>hh</b>
Onduidelik/onverstaanbaar	∫ (in die kantlyn)	Kronkelstreep
Saamgeflans uit vraestel	Vr (in die kantlyn)	Hoofletter V kleinletter r
Punktuasie	0	Omkring

#### **NEERSKRYF VAN PUNTE**

- 1. Gebruik die korrekte rubriek vir elke tipe skryfstuk.
- 2. Assesseer die kandidaat se skryfstukke na aanleiding van die **sewe KODES** volgens:

Afdeling A: **INHOUD en BEPLANNING** (32 punte), **TAAL, STYL en REDIGERING** (12 punte) en **STRUKTUUR** (6 punte).

Afdeling B: **INHOUD, BEPLANNING en FORMAAT** (20 punte) en **TAAL, STYL en REDIGERING** (10 punte).

Afdeling C: **INHOUD, BEPLANNING en FORMAAT** (13 punte) en **TAAL, STYL en REDIGERING** (7 punte).

- 3. Evalueer eers hoe goed, gemiddeld of swak die kandidaat binne daardie kode tussen die gegewe punte is, byvoorbeeld: uit 'n gegewe punt van 16–19 uit 50, moet die nasiener kan assesseer watter punt die skryfstuk verdien. Skryf net EEN punt neer.
- 4. Hou die **persentasies** by die kodes in gedagte. Dis 'n hulpmiddel.
- 5. Skryf die punte soos volg neer:

AFDELING A	Kode	Punt
I/B	5	19½
T/S/R	2	4
S	5	5
		28½
TOTAAL:		29

AFDELING	Kode	Punt
B en C		
I/B/F	5	12
T/S/R	6	7
		19
TOTAAL:		19

6. Halwe punte word per afdeling afgerond.

#### **LEERUITKOMS 3: SKRYF EN AANBIED**

#### AFDELING A: OPSTELTIPES

Assesseer die opstelle sonder vooroordeel vanuit die kandidaat se oogpunt en volgens sy/haar interpretasie. Die soort opstel wat die leerder aanbied, word deur die onderwerp gelei.

#### **VERHALENDE OPSTEL**

- Dis 'n interessante vertelling van 'n storie/gebeurtenis(se) (gewoonlik uit die verlede).
- Dit kan vanuit enige perspektief geskryf word.
- Die inleiding moet die leser se aandag vasvang.
- Die vertel-/storielyn ontwikkel logies en die verhaal oortuig die leser.
- Die leser se belangstelling moet deurgaans behou word.
- Beeldspraak, idiome en spreekwoorde (retoriese stylmiddele) word op so 'n manier gebruik dat die leser graag verder wil lees.
- Chronologiese of a-chronologiese opbou tot by die hoogtepunt en die daaropvolgende afloop van gebeure behoort voor te kom.
- Die verhaal word realisties en met entoesiasme geskryf.
- Die verhaal word uit eie ervaring geskryf of kan fiktief wees.
- Karakterisering oortuig en die agtergrond/atmosfeer is geslaagd.
- Sinstruktuur, spelling, leestekens, taalgebruik en paragrafering moet aandag geniet.
- 'n Buitengewone slot rond dit finaal af.
- Kru taal word nie toegelaat nie.

#### **BESKRYWENDE OPSTEL**

- Die skrywer beskryf iets/iemand soos hy/sy dit ervaar (dis moeilik om iets te beskryf wat nie eerstehands ervaar is nie) en stel die leser in staat om die onderwerp wat beskryf word, net so lewendig soos hy/sy te beleef.
- 'n Suksesvolle beskrywende opstel konsentreer op sintuiglike besonderhede soos sig, klank, smaak, reuk en sensasie.
- 'n Goeie woordeskat is nodig vir 'n raak beskrywing.
- Die opstel is meer as net die opnoem van waarnemings. Insig, begrip, eie belewing en sinvolheid geniet aandag.
- Karakters moet lewensgetrou wees: innerlik en uiterlik.
- Beeldspraak, idiome en spreekwoorde word op 'n oorspronklike wyse aangewend.
- Sinstruktuur, spelling, leestekens, taalgebruik en paragrafering moet aandag geniet.
- Kru taal word nie toegelaat nie.

#### **BESPIEGELENDE OPSTEL**

- Die skrywer oorweeg/deurdink 'n idee/lewenswaarheid/n herinnering en gee sy/haar emosionele reaksies en gevoelens weer.
- Bespiegel oor/dink terug aan daardie moontlikheid, herinnering of lewenswaarheid.
- 'n Bespiegelende opstel sal subjektief wees.
- Gevoelens en emosies speel 'n baie belangrike rol.
- 'n Groot gedeelte van die opstel mag beskrywend wees.
- Hierdie beskrywings behoort realisties te wees en moet daarop gemik wees om die gevoelens van die skrywer weer te gee.
- Die gedagtes/idees/gevoelens wat uitgedruk word, behoort opreg en persoonlike betrokkenheid te toon.
- Die onderwerp word bepeins, oordink. Verskillende opsies word teen mekaar opgeweeg en 'n slotsom word gevorm (logies en sistematies).
- Sinstruktuur, spelling, leestekens, taalgebruik en paragrafering moet aandag geniet.
- Kru taal word nie toegelaat nie.

#### ARGUMENTERENDE/BETOGENDE OPSTEL

- Die skrywer het 'n spesifieke mening/opinie en argumenteer daaroor om sy/haar standpunt te motiveer.
- Die skrywer se mening moet deurgaans duidelik wees.
- Dit is 'n subjektiewe opstel waarin die skrywer probeer om die leser te oortuig om sy/haar gesigspunt te deel.
- NB: Hierdie opstel verskil van die beredenerende opstel waar daar NIE van die begin af stelling ingeneem word vir of teen 'n argument NIE.
- Die skrywer gee 'n subjektiewe mening oor die onderwerp.
- 'n Reeks argumente word gegee om die mening te motiveer.
- Die skrywer konsentreer gewoonlik op argumente vir of teen die standpunt. Die teenoorgestelde gesigspunt kan genoem word om meer steun aan 'n eie mening te gee.
- 'n Verskeidenheid retoriese stylfigure sal die gehalte van die opstel verbeter.
- Die kandidaat moet van oorredingstegnieke gebruik maak.
- Sterk gevoelstaal sal gebruik word, maar mag nooit kru wees nie.
- Die slot moet 'n sterk, duidelike en oortuigende stelling wees wat die skrywer se gesigspunt bevestig.
- Sinstruktuur, spelling, leestekens, taalgebruik en paragrafering moet aandag geniet.

#### BEREDENERENDE OPSTEL

- Dis objektief en probeer om 'n gebalanseerde gesigspunt van albei kante van 'n argument te gee.
- Die skrywer oorweeg verskeie aspekte van die onderwerp onder bespreking en gee dan argumente vir of teen die stelling. Dit word altyd onpartydig aangebied.
- Die skrywer mag 'n spesifieke standpunt inneem aan die einde van die opstel, maar die argumente vir en teen die onderwerp moet goed gebalanseerd wees.
- Die skrywer moet BEIDE kante van die argument verstaan, daaroor nadink en op 'n onpartydige en goed ingeligte manier daaroor redeneer.
- Die styl moet duidelik, rasioneel en objektief wees.
- Ondersteunende stellings moet behoorlik deurdink word.
- Die toon is nie emosioneel nie.
- Die toon is oortuigend sonder om neerhalend te wees.
- Die skrywer mag aan die einde 'n aanduiding van sy/haar gesigspunt gee, maar dit mag slegs in die slot wees.
- Die inhoud oortuig en ontwikkel logies en helder.
- 'n Gevolgtrekking kan in die slot gegee word.
- Sinstruktuur, spelling, leestekens, taalgebruik en paragrafering moet aandag geniet.
- Kru taal word nie toegelaat nie.

#### **VISUELE PRIKKELS**

 Die onderwerp moet pas by die visuele prikkel. Die nasiener moet onthou dat hierdie visuele prikkel oop is vir 'n verskeidenheid interpretasies. Die kandidaat se perspektief moet oorweeg word by assessering.

#### ONTLEDING VAN MOONTLIKE OPSTELTIPES PER VRAAG

- Die vrae is só geformuleer en die prente só gekies dat 'n persoonlike inkleding van die gekose onderwerp/prent van die kandidaat verwag word.
- Die opstel wat geskryf word, kan waarskynlik in meer as een kategorie val, maar nie noodwendig nie. 'n Opstel kan ook elemente van verskillende tipes opstelle bevat. Verskillende persoonlikheidstipes en belangstellingsvelde word in ag geneem.

TOTAAL AFDELING A:

50

#### AFDELING B: LANGER TRANSAKSIONELE TEKS

#### 2.1 **FORMELE BRIEF**

- Die formele brief hanteer die inhoud m.b.t. taalgebruik en styl, formeel en saaklik. Die brief spreek die teikenpersoon/aangesprokene formeel aan, naamlik Meneer, Geagte Meneer/meneer Botha; Geagte Mevrou/mevrou Theys; Geagte Professor/professor Steyn. Me. moet saam met 'n van gebruik word, bv. Geagte me. Smith
- Die inhoud moet formeel en hoflik wees. Dit moet getuig van professionaliteit.
- Die toon en register moet pas by die formele verhouding tussen die briefskrywer en die ontvanger van die brief.
- Wees hoflik, al is jy kwaad.
- Vermy slordige taal, slengwoorde en sms-taal.

#### **FORMAAT**

Die formaat van die brief moet korrek wees:

#### Leestekens:

Geen leestekens word in die adres, aanhef of slot gebruik nie.

#### Die adres en datum:

- Die adres van die skrywer word regs, bo-aan in blokvorm geskryf.
- Toegewing: Omdat sekere handboeke wel 'n reël tussen die adres en datum ooplaat, moet ons hier 'n toegewing maak en nie die kandidate penaliseer nie.
- Die datum word voluit geskryf: 18 November 2012.
- Die adres van die ontvanger word links in blokvorm geskryf.
- Geen leestekens word in die adresse gebruik nie.
- Let op die verskillende wyses waarop die adres geskryf kan word.
- 'n Reël word tussen die adres van die sender en die ontvanger oopgelaat.

#### Die aanhef, afsluiting en slot:

- Aanhef: Meneer, Geagte Meneer/Mevrou/Dame.
- Afgekorte aanspreekvorme (mnr./mev./dr./me. ens.) moet saam met 'n van gebruik word.
- Geen leestekens word na Die uwe gebruik nie.
- Die brief word deur die persoon wat die korrespondensie rig, onderteken.
   Die briefskrywer kan voorletters en van onder die handtekening uitskryf.

#### Die paragrawe:

- n Reël word tussen paragrawe oopgelaat.
- Die inleidingsparagraaf stel die rede vir die brief duidelik en moet 'n skakel tussen die briefskrywer en die ontvanger van die brief wees.
- Die liggaam van die brief brei uit op die rede vir die brief.
- Die slotparagraaf moet die brief saaklik en hoflik saamvat.

#### **VOORBEELD**

Posbus 198 Brentpark 9499

18 November 2012

XXX

Die Munisipale Bestuurder

Privaatsak X 05 Kroonstad

9500 xxx

Geagte Meneer/Mevrou/dr. Steyn/prof. Steyn (Afkortings moet saam met 'n van gebruik word.)

XXX

MAAK ONS DORP GROEN of Maak ons dorp groen

XXX

Inleidingsparagraaf. Gee die rede vir die brief duidelik; die ontvanger word alreeds in hierdie paragraaf ingelig waaroor die inhoud van die brief gaan handel.

XXX

Paragraaf 2: Brei uit op die rede vir die brief en omskryf die projek wat die gemeenskap wil begin.

XXX

Paragraaf 3: Probeer die ontvanger aanspoor om die gemeenskap te help.

Slotparagraaf: Vat die inhoud van die brief saam. Spreek waardering uit vir aandag wat geskenk sal word.

XXX

Ons hoop om so spoedig moontlik u antwoord te ontvang.

XXX

Die uwe (geen punktuasie nie)

M. Loods of Mark Loods

#### Voorbeelde van die briefskrywer se adres:

Kerkstraat 1 Posbus 88 Huis 342 Plot 588
Uitbreiding/Voorstad Pleknaam Pleknaam Kode Kode Kode

Kode

Rusthof Sewendelaan 10 OF Sewende Laan 10

Pleknaam Westdene Kode Kode

Let op die volgende: **Kerkstraat** is altyd een woord omdat dit 'n samestelling van TWEE soortname is. **Arcadia straat** is 'n samestelling tussen 'n eienaam en 'n soortnaam en daarom kan dit soos volg geskryf word: Arcadiastraat, Arcadia Straat, Arcadia straat, Arcadia-Straat. (*AWS*, 2009 bl.121)

Geen Engels behalwe amptelike Engelse name, bv. Mandela Square, word aanvaar nie.

MEMORANDUMBESPREKING: Die voorstad/uitbreiding/pleknaam sal bespreek word na gelang van die geografiese ligging.

#### 2.2 **FORMELE TOESPRAAK**

- Die formele toespraak word gelewer om die gehoor te oortuig.
- Die keuse van die onderwerp is baie belangrik.
- Die styl is formeel en die doel is om die gehoor in te lig.
- Emosionele momente kan soms met die gehoor gedeel word.
- Die inhoud moet toepaslik wees.
- Die inhoud moet georden en logies wees.
- Die formele toespraak is kort en bondig.
- Koherensie (samehang) is baie belangrik.
- Die taal, styl en register moet by die gehoor en die onderwerp pas.
- Die spreker gebruik sover moontlik die bedrywende vorm.
- 'n Treffende slot wat die onderwerp sinvol saamvat.

#### **FORMAAT**

- Daar is 'n opskrif wat by die res van die toespraak se inhoud pas.
- Die spreker se feite moet korrek wees. Goeie navorsing moet gedoen word en bronverwysings sal feite versterk.
- Die toespraak kan puntsgewys of in paragraafvorm aangebied word.
- Die inleiding.
- Die spreker spreek waardering uit vir aandag wat verleen word.
- Die slot mag 'n gevolgtrekking insluit.
- Wees hoflik.
- Die slot moet die gehoor prikkel, aanmoedig en oortuig.

## **VOORBEELD**

#### OPSKRIF: MATRIEKS LEEF VOLGENS MOEDER TERESA SE WYSHEID

Inleidingingsparagraaf: Onderwerp word ingelei. Die gehoor se aandag word onmiddellik vasgevang.

#### XXX

**Inleiding**: Waaroor handel die toespraak

Verband moet gelê word tussen die matriekafskeid en die aanhaling.

#### XXX

#### Liggaam

Verduidelik hoe die matriekleerders hierdie wyse woorde 'n leefwyse kan maak.

- Die feite moet korrek wees. Goeie praktiese voorbeelde.
- Inhoud moet logies en georden wees.
- Koherensie (samehang) is baie belangrik.

#### XXX

#### Slot:

Die slot moet die gehoor prikkel en aanmoedig.

#### 2.3 **DIALOOG**

- 'n Dialoog is 'n gesprek/kommunikasie tussen twee mense.
- Die taal, styl en register moet by die sprekers en die onderwerp pas.
- Gebruik leestekens om emosie aan te dui.
- Gebeurtenisse en staaltjies maak die dialoog interessant.
- Die leser (gehoor) moet 'n geheelbeeld van die onderwerp (saak waaroor gesprek gaan) kry.
- Maak gebruik van informele spreektaal. Taal moet toepaslik wees.
- Die geskrewe vorm moet op 'n vraag-antwoord-metode gedoen word.
- Die kommunikasieproses moet gemaklik en natuurlik wees.

#### **FORMAAT**

- Die dialoog word ingelei en die gehoor se aandag word vasgevang. Die inleiding moet oor die kwessie ter sake gaan. Die inleidende sin is baie belangrik.
- Die spreker se hulp aan die vriend/vriendin word dadelik ingelei.
- Die sprekers se name staan teen die kantlyn.
- Daar is 'n dubbelpunt na die naam.
- Daar word geen aanhalingstekens gebruik nie.
- 'n Reël word na elke spreker (spreekbeurt) oopgelaat.
- Ekstra inligting of beskrywing word tussen hakies geskryf.
- 'n Treffende slot wat moontlik die probleem tussen die sprekers kan oplos.

#### **VOORBEELD**

Mark: Ben, kan ons asseblief oor jou probleem praat?

Tshepo: Ja, maar dit is baie sensitief.

Mark: Jy weet jy kan altyd op my staatmaak en ek sal luister en probeer

help.

Tshepo: ...

Slotparagraaf

'n Treffende slot wat moontlik die probleem van die spreker oplos.

## 2.4 **SKOOLKOERANTARTIKEL**

- 'n Artikel oor 'n bepaalde onderwerp wat in 'n skoolkoerant gepubliseer word.
- Die artikel kan lesers vermaak of oor aktuele sake inlig.
- Die onderwerp moet in die titel saamgevat word.
- 'n Subtitel kan ook gegee word.
- Die omgekeerde piramide-metode word gebruik.
- Die meeste feite word in die eerste paragraaf weergegee: Wie, wat, waar, wanneer, waarom en hoe.
- Die wie-, wat-, wanneer-, waarom- en hoe-vrae word in die volgende paragrawe uitgebrei.
- Die res van die inligting word daarna in dalende orde van belangrikheid gegee.
- Deeglike kennis oor die onderwerp is belangrik.
- Taal en styl is formeel. Die artikel word in die bedrywende vorm geskryf.
- Die slot vat die artikel saam.

#### **FORMAAT**

- Die skoolkoerantartikel kan in paragrawe of kolomme aangebied word.
- Die titel/opskrif is kort en treffend en moet by die onderwerp pas.
- Die belangrikste sake moet eerste gestel word.
- Die styl moet maklik verstaanbaar en interessant wees. (Die teikengroep is die leerders.)
- Aanhalings kan gebruik word.
- Die slotparagraaf bevat die gevolgtrekking waartoe gekom word.

#### **VOORBEELD**

# Is daardie matriekbaadjie regtig nodig?

**Inleidingsparagraaf:** Stel die probleem duidelik soos dit in die onderwerp/opskrif staan.

#### Paragraaf 2

Neem standpunt in: Ja/Nee. Gee 'n rede vir die standpunt wat ingeneem is. Beantwoord die wie-, wat-, wanneer-, waar-, hoe- en hoekom-vrae.

#### Paragraaf 3 en verder

Die res van inligting in dalende orde van belangrikheid.

## **SLOTPARAGRAAF**

Die slot vat die artikel saam.

#### **ONTLEDING VAN LANGER TRANSAKSIONELE TEKS**

Die vrae is só geformuleer dat 'n persoonlike inkleding van die gekose onderwerp van die kandidaat verwag word. Verskillende persoonlikheidstipes en belangstellingsvelde word in ag geneem.

TOTAAL AFDELING B:

30

# AFDELING C: NASLAAN-, INFORMATIEWE EN TRANSAKSIONELE TEKSTE

#### **VRAAG 3**

#### 3.1 **ADVERTENSIE**

- Die advertensie moet die jongmense oortuig om met hierdie projek te kom help. Die begeerte moet ontstaan om deel van die projek te wees.
- Die advertensie word geskep vir 'n spesifieke groep mense.
- Die leser moet oortuig word om betrokke te raak.
- Die krag van die advertensie lê in sy eenvoud.
- Hou die advertensie kort en bondig.
- Lettergroottes en -tipes is baie belangrik. (Uitleg speel 'n belangrike rol.)
- Die advertensie berus op die ABBA-beginsel van AANDAG trek, BELANGSTELLING vir die produk wek, BEGEERTE by die mense skep, sal tot AKSIE oorgaan.

#### **FORMAAT**

- Die kandidaat moet die W-vrae (wat, wie waar, waarom en wanneer) beantwoord.
- Die uiteensetting word volgens die ABBA-beginsel geskoei.
- Die leser moet die advertensie verstaan en dit moet eenvoudig en maklik wees.
- Die doel is om die leser tot aksie te laat oorgaan om die produk te koop of wil koop/of van die dienste gebruik maak.

#### **VOORBEELD**

# **UBUNTU**

GEE SAAM MET ONS OM!

Wat?

# SONSKÝN OUETEHUIS

ZEKESTRAAT, BRANDFORT

Waar?

Ons gaan uitreik en die ouetehuis skoonmaak en verf. Wat alles?

SATERDAG, 15 DESEMBER 2012 08:00 – 16:00 Wanneer?

Alle jongmense van die dorp word uitgenooi! Vir wie? Trek ou klere aan en kom werk lekker saam.

Maak saam met ons 'n verskil. Ons kan die bejaardes se dag en omgewing soveel mooier maak.

**IETS VIR ALMAL OM TE DOEN!** 

**VOEL GOED OOR JOU BYDRAE TOT UBUNTU** 

Vir verdere navrae en skenkings:

Bel vir Palesa Nkosi by tel: 016-5193785

#### 3.2 **POSKAART**

- n Poskaart is 'n kommunikasiewyse waarop een mens vir 'n ander 'n kort boodskap stuur.
- Net interessante inligting word weergegee.
- Sinne word kort en kragtig geformuleer.

#### **FORMAAT**

- Naam en adres van ontvanger verskyn aan regterkant van poskaart.
- Aanhef, om aan te dui aan wie die poskaart geskryf word, aan linkerkant.
- Die datum moet gegee word.
- NIE nodig vir paragrawe NIE.
- Die sinne is kort en bondig. Waak teen kripties skryf. Hou by volsinne.

#### **VOORBEELD**

11 November 2012	POSSEËL
Beste Asjaven XXX Die byeenkoms vir jongmense saam met mnr. Zuma was wonderlik! Hy weet hoe om jongmense goed te laat voel. Hy glo elke jongmens het baie potensiaal en dat die jeug hulle deel moet bydra om 'n suksesvolle Suid-Afrika te verseker. Ons gaan môre saam met mnr. Zuma 'n paar interessante plekke in Durban besoek. Groete tuis. XXX Jalie	Asjaven Naidoo Mbekistraat 345 Durban 4001

#### 3.3 **INSTRUKSIES**

- Die instruksies moet logies, saaklik en duidelik uiteengesit word.
- Die inligting is bedoel om leiding te gee.
- Die instruksies kan 'n opskrif hê.
- Sinne word kort en kragtig geformuleer sonder omhaal van woorde.

#### **FORMAAT**

- Die uiteensetting: puntsgewys/reëls oopgelaat/ander aanduiders gebruik.
- Die instruksies is kort en bondig.
- Die sin kan elke keer met 'n werkwoord begin.

#### **VOORBEELD**

# Kandidate kan noem wat hulle mag EN nie mag doen nie.

#### **INSTRUKSIES**

- 1. Laat die bure vroegtydig weet dat julle partytjie gaan hou.
- 2. Moenie die musiek te hard speel nie.
- 3. Moenie drankies en kos op die meubels mors nie.
- 4. Bly weg van dwelmmisbruik in ons huis!
- 5. Almal moet na die partytjie help om op te ruim.
- 6. Niemand mag drink en bestuur nie.
- 7. As jou vriende oorslaap, moet seuns en meisies in aparte kamers slaap.
- 8. Moenie die meubels in die huis rondskuif of uitdra nie.
- 9. Niemand mag in die huis rook nie.
- 10. Werk versigtig met die breekgoed sodat dit nie breek nie.

# ONTLEDING VAN KORTER TEKS: NASLAAN-, INFORMATIEWE EN TRANSAKSIONELE TEKSTE

Die vrae is só geformuleer dat 'n persoonlike inkleding van die gekose onderwerp van die kandidaat verwag word. Verskillende persoonlikheidstipes en belangstellingsvelde word in ag geneem.

TOTAAL AFDELING C: 20 GROOTTOTAAL: 100

# 7. KONTROLELYS VIR OPSTEL EN MODERERING

ALGEMENE NKV BEGINSELS	VRAAGNOMMER	KOMMENTAAR
Sosiale transformasie	Afdeling A, B en C	
2. Uitkomsgebaseerde onderwys	Afdeling A, B en C	As uitvloeisel van UGO
3. Hoë kennis/vaardigheid	Afdeling A, B en C	
4. Integrasie	Afdeling A, B en C	
5. Progresssie	Vlgs. NKV van gr.10 – 12	
6. Artikulasie/oordraagbaarheid	Indien kandidaat voldoen	
	aan vereistes	
7. Menseregte/inklusiwiteit/	Afdeling A, B en C	
omgewings-/sosiale geregtigheid		
8. Waardering vir inheemse		
9. Geloofwaardigheid/kwaliteit/	Afdeling A, B en C	
doeltreffendheid		

Uitkomsgebaseerde onderwys: KRITIEKE UITKOMSTE	VRAAGNOMMER	KOMMENTAAR
Identifiseer/los probleme op	1.3 1.6.3 2.3 2.4	
2. Werk doeltreffend in groep(e)	Nie van toepassing nie.	Eksamen
3. Organiseer en bestuur die self	1.1 1.2 1.3 1.4 1.6 2.1	
	2.2 2.3 2.4 3.1 3.2 3.3	
4. Inligting versamel, ontleed,	Afdeling A, B en C	
organiseer en evalueer		
5. Kommunikeer doeltreffend	Afdeling A, B en C	
6. Gebruik wet./tegn. doeltreffend		
7. Die wêreld as sisteem:	1.6.1 1.6.3 2.4	Uitreik na ander
probleme nie in isolasie nie		

Uitkomsgebaseerde onderwys: ONTWIKKELINGSUITKOMSTE	VRAAGNOMMER	KOMMENTAAR
Verskillende leerstrategieë	Afdeling A, B en C	
2. Verantwoordelike burgerskap	1.2 1.4 1.6.2 2.2 2.3	
	3.1 3.2 3.3	
3. Kultureel/esteties sensitief	1.1 1.2 1.3 1.4 1.5 1.6	
	2.1 2.2 2.3 2.4 3.1 3.2	
	3.3	
4. Beroepsmoontlikhede	1.4 1.6.2 2.1	
5. Entrepreneurskap	2.1 2.4 3.3	

# 8. **OPSOMMING VAN DIE VRAE IN VRAESTEL 3: NOVEMBER 2011**

SKRYF  SKRYFSTUK  TIPE SKRYFSTUK  Die leerder is in staat on vir 'n wye verskeldenheid doeleindes en telekergroepe te skryf en aan te bied deur konversies en verskillende kontekste te gebruik.  AS  Beplan volgens doel, teikengroep en konteks.  Toon gebruik van skryfstrategjeë, Dink na oor, ontleed en evalueer, met inagneming van ander se sienings, eie werk en bied die finale produk aan.  1.1  Al vyf lipes 1.2  Al vyf lipes 1.3  Al vyf lipes 1.4  Al vyf lipes 1.5  Af DELING B VRAAG 2  LANGER TRANSAKSIONELE TEKSTE  2.1  2.2  Toespraak Dialoog 2.4  AFDELING C VRAAG 3  TRANSAKSIONELE, NASLAAN-EN INFORMATIEWE TEKSTE  3.1  Advertensie 3.2  Poskaart 3.3  Instruksies 115 onderwerpe/keuses  12 tipes skryfstukke			
AFDELING A VRAAG 1  1.1  Al vyf tipes 1.2  Al vyf tipes 1.3  Al vyf tipes 1.5  I.6.1 – 1.6.3  AFDELING B VRAAG 2  AFDELING B VRAAG 2  AFDELING B VRAAG 2  AFDELING B VRAAG 2  Transaksionele Tekste  2.2  Josepraak 2.3  Dialoog  2.4  AFDELING C VRAAG 3  AFDELING C  AFDELING C  BERT COMPANIEWE  FOR AFT C  BERT C  BERT COMPANIEWE  FOR AFT C  BERT C  BERT C  BEPLIA C  BERT C  B	SKRYF		verskeidenheid doeleindes en teikengroepe te skryf en aan te bied deur konvensies en verskillende kontekste te gebruik.
1.2			<ul> <li>Beplan volgens doel, teikengroep en konteks.</li> <li>Toon gebruik van skryfstrategieë.</li> <li>Dink na oor, ontleed en evalueer, met inagneming van ander se sienings, eie werk en bied die finale produk</li> </ul>
1.3		Al vyf tipes	
1.3	1.2	Al vyf tipes	
1.4       Al vyf tipes         1.5       Al vyf tipes         1.6.1 - 1.6.3       Al vyf tipes         AFDELING B VRAAG 2       LANGER TRANSAKSIONELE TEKSTE         2.1       Formele brief         2.2       Toespraak         2.3       Dialoog         2.4       Koeranlartikel     AFDELING C VRAAG 3  INSTORMATIEWE TEKSTE  3.1  Advertensie 3.2  Poskaart 3.3  Instruksies  Instruksies  Instruksies  AI vyf tipes  TRANSAKSIONELE TEKSTE  AI vyf tipes  AI vyf tipes  TEKSTE  TEKSTE  AI vyf tipes  TEKSTE  T	1.3		
1.5	1.4		
AFDELING B VRAAG 2  LANGER TRANSAKSIONELE TEKSTE  2.1  2.2  Toespraak 2.3  Dialoog 2.4  AFDELING C VRAAG 3  TRANSAKSIONELE, NASLAAN-EN INFORMATIEWE TEKSTE  3.1  Advertensie 3.2  Poskaart 3.3  Instruksies	1.5		
AFDELING B VRAAG 2  2.1  Formele brief 2.2  Dialoog 2.4  AFDELING C VRAAG 3  TRANSAKSIONELE, NASLAAN-EN INFORMATIEWE TEKSTE  3.1  Advertensie 3.2  Poskaart Instruksies			
2.2         Toespraak           2.3         Dialoog           2.4         Koerantartikel    TRANSAKSIONELE,  NASLAAN- EN INFORMATIEWE  TEKSTE  3.1  Advertensie  3.2  Poskaart  3.3  Instruksies		TRANSAKSIONELE	
2.2         Toespraak           2.3         Dialoog           2.4         Koerantartikel    TRANSAKSIONELE, NASLAAN-EN INFORMATIEWE TEKSTE  3.1  Advertensie 3.2  Poskaart 3.3  Instruksies	2.1	Formele brief	
2.3  2.4    Dialoog		Toespraak	
AFDELING C VRAAG 3  TRANSAKSIONELE, NASLAAN- EN INFORMATIEWE TEKSTE  3.1 Advertensie 3.2 Poskaart 3.3 Instruksies			
AFDELING C VRAAG 3  TRANSAKSIONELE, NASLAAN- EN INFORMATIEWE TEKSTE  3.1 Advertensie 3.2 Poskaart 3.3 Instruksies			
3.1 Advertensie 3.2 Poskaart 3.3 Instruksies	AFDELING C	TRANSAKSIONELE, NASLAAN- EN	
3.3 Instruksies			
3.3 Instruksies	3.1	TEKSTE	
		TEKSTE Advertensie	
	3.2	TEKSTE Advertensie Poskaart	

DBE/November 2011

#### AFDELING A: OPSTEL - EERSTE ADDISIONELE TAAL

50 PUNTE	Baie goed - Puik KODE 7 Uitmuntend 80-100% 26-32	Goed KODE 6 Verdienstelik 70-79% 22½-25½	Bo-gemid. KODE 5 Beduidend 60-69% 19½-22	Gemiddeld KODE 4 Voldoende 50-59% 16-19	Ondergemid. KODE 3 Matig 40-49% 13-15½	Swak, maar slaag KODE 2 Basies 30-39% 10-12½	Te swak om te slaag KODE 1 Ontoereikend 0-29% 0-9½
INHOUD EN BEPLANNING 32 PUNTE	-Inhoud toon uit- stekende inter- pretasie van onder- werp. -Idees uitdagend en volwasse. -Beplanning en/of eerste poging lei tot 'n feitlik foutlose, gepaste opstel.	-Inhoud toon goeie interpretasie van onderwerpIdees interessant en verbeeldingrykBeplanning en/of eerste poging lei tot goedsaamgestelde, gepaste opstel.	-Inhoud toon bo- gemiddelde interpretasie van onderwerpIdees interessant en oortuigendBeplanning en/of eerste poging lei tot 'n goeie, gepaste opstel.	-Inhoud toon 'n voldoende interpretasie van onderwerpIdees gewoon en diepte ontbreekBeplanning en/of eerste poging lei tot 'n bevredigende opstel/ aanbieding.	Inhoud toon ondergemiddelde interpretasie. Leemtes in samehang. Idees meestal relevant, herhalend. Beplanning en/of eerste poging lei tot ondergemiddelde, dog redelik verstaanbare opstel.	-Inhoud dikwels onverstaanbaar. Gebrek aan samehangIdees is min en dikwels herhalendBeplanning en/of eerste poging lei tot opstel wat nie goed aangebied is nie.	-Inhoud nie ter sake nie. Geen samehang nie. -Idees herhaal. -Beplanning en/of eerste poging ontbreek heeltemal. Swak opstel/ aanbieding.
	<u>10-12</u>	81/2-91/2	7½-8	<u>6-7</u>	5-51/2	4	0-31/2
TAAL, STYL EN REDIGERING 12 PUNTE	-Toon kritiese taalbewustheidEffektiewe gebruik van taal en punktuasie. Maak van figuurlike taal gebruikWoordkeuse hoogs toepaslik/ uitmuntendStyl, toon en register is hoogs gepasOpstel feitlik foutloos na proeflees en redigering.	-Toon kritiese taalbewustheidKorrekte gebruik van taal en punktuasie. Kan figuurlike taal gebruik in korrekte konteks'n Variasie in woordekeuse en word korrek gebruikStyl, toon en register is toepaslik vir die onderwerpOpstel meestal foutloos na proeflees en redigering.	-Daar is bewyse van kritiese taalbewustheidTaal en punktuasie: meestal korrekWoordkeuse is gepas vir opstelStyl, toon en register is meestal toepaslik vir die onderwerpOpstel oor die algemeen foutloos na proeflees en redigering.	-'n Aanduiding van kritiese taalbewustheidTaal baie eenvoudig en punktuasie voldoendeWoordkeuse voldoendeStyl, toon en register oor die algemeen in ooreenstemming met vereistes vir die onderwerpOpstel het steeds foute na proeflees en redigering.	-Beperkte kritiese taalbewustheidTaal gewoon en punktuasie dikwels foutiewelik gebruikWoordkeuse basiesStyl, toon en register toon gebrek aan samehangOpstel het steeds baie foute na proeflees en redigering.	-Geen kritiese taalbewustheidGebrekkige taal en punktuasieWoordkeuse beperkStyl, toon en register gebrekkigOpstel is besaai met foute ten spyte van proeflees en redigering.	-Geen kritiese taalbewustheidErnstige gebrek aan taal en punktuasieWoordkeuse ontoepaslikStyl, toon en register is baie gebrekkigOpstel is besaai met foute en verwarrend ten spyte van proef- lees en redigering.
	<u>5-6</u>	4½	<u>4</u>	<u>3</u>	<u>2½</u>	<u>2</u>	<u>0-1½</u>
STRUKTUUR 6 PUNTE	-Ontwikkeling van onderwerp samehangend met verbeeldingryke detailsSinne en paragrawe samehangend saamgestelLengte is in ooreenstemming met vereistes.	-Ontwikkeling van onderwerp is samehangend met verbeeldingryke detailsSinne en paragrafering: samehangend, goed gekonstrueer/ saamgestelLengte is korrek.	-Ontwikkeling van onderwerp samehangend en logiese ontwikkeling van details'n Verskeidenheid tipes sinne en paragrawe skakel logiesLengte is korrek.	-Onderwerp bevat sommige idees, noodsaaklike details egter ingesluitSinskonstruksie en paragrafering mag foute bevat, maar opstel maak nog sinLengte is amper korrek.	-Daar is bewyse van ontwikkeling van sommige noodsaaklike ideesSinskonstruksie en paragrafering foutief, maar idees is verstaanbaarLengte is te kort/ te lank.	-Dwaal soms van die onderwerp af. Algemene gedagtegang moeilik om te volgSinskonstruksie en paragrafering baie elementêr saamgestelLengte is te kort/ te lank.	-Afgedwaal van die onderwerp. -Sinskonstruksie en paragrafering: deurmekaar en ondeurdag. -Lengte is heeltemal te kort/te lank.

# AFDELING B: LANGER TRANSAKSIONELE TEKS - EERSTE ADDISIONELE TAAL

	Baie goed - Puik	Goed	Bo-gemiddeld	Gemiddeld	Ondergemiddeld	Swak, maar slaag	Te swak om te slaag
30	KODE 7	KODE 6	KODE 5	KODE 4	KODE 3	KODE 2	KODE 1
PUNTE	Uitmuntend	Verdienstelik	Beduidend	Voldoende	Matig	Basies	Ontoereikend
	80-100%	70-79%	60-69%	50-59%	40-49%	30-39%	0-29%
	<u>16-20</u>	<u>14-15½</u>	<u>12-13½</u>	<u>10-11½</u>	8-91/2	<u>6-7½</u>	<u>0-5½</u>
INHOUD, BEPLANNING EN FORMAAT 20 PUNTE	-Gespesialiseerde kennis van vereiste van teksGedissiplineerde skryfwerk, behou deurgaans baie goeie fokus; geen afwykings nieTeks, algeheel samehangend. Alle detail ondersteun onderwerpBeplanning en/of eerste poging lei tot 'n feitlik foutlose, gepaste teksAl die nodige reëls vir die formaat is uitstekend toegepas.	-Goeie kennis van vereistes van teksGedissiplineerde skryfwerk, behou goeie fokus; byna geen afwykings nieInhoud en idees samehangend. Alle detail ondersteun onderwerpBeplanning en/of eerste poging lei tot 'n goed saamgestelde, gepaste teksAl die nodige reëls vir die formaat is goed toegepas.	-Redelike kennis van vereistes van teksBehou bo-gemiddelde fokus, onbenullige afwykingsInhoud en idees samehangend. Detail ondersteun onderwerpBeplanning en/of eerste poging lei tot 'n gepaste, goeie teksDie toepassing van die meeste van die nodige reëls vir die formaat is bogemiddeld.	-Voldoende kennis van vereistes van teksGemiddelde fokus, inhoud wyk effens af van onderwerp, maar dit belemmer nie die oorhoofse betekenis nieInhoud en idees voldoende samehangend. Sommige van die detail ondersteun onderwerpBeplanning en/of eerste poging lei tot 'n bevredigende teksKennis van die nodige reëls vir die formaat is gemiddeld/voldoende.	-'n Gemiddelde kennis van vereistes van teks. Respons op geskrewe teks toon ondergemiddelde fokusWyk af van onderwerp; betekenis is plek-plek vaagInhoud en idees het leemtes in hul samehang. Basiese detail ondersteun onderwerpBeplanning en/of eerste poging lei tot 'n ondergemiddelde, dog redelik verstaanbare teksKennis van die nodige reëls vir die formaat is ondergemiddeld. Kritiese, nalatige foute is begaan.	-'n Elementêre kennis van vereistes teks. Respons op geskrewe teks toon 'n beperkte/swak fokusInhoud wyk af van onderwerp; betekenis is plek-plek verwarrendInhoud en idees omtrent nie samehangend. Min detail ondersteun onderwerpBeplanning en/of eerste poging gebrekkig, teks nie goed aangebied nieKennis van die nodige reëls vir die formaat is vaag.	-Geen kennis van vereistes van teks nie. Respons op geskrewe teks toon baie swak/geen fokusInhoud wyk af van onderwerp. Betekenis is verwarrendInhoud en idees is nie samehangend nie. Te min detail ondersteun onderwerpBeplanning en/of eerste poging afwesig/nie gedoen nie. Swak aanbieding van teksGeen kennis van die nodige reëls vir die formaat nie.
	<u>8-10</u>	<u>7- 7½</u>	<u>6-6½</u>	<u>5-5½</u>	4-41/2	<u>3-3½</u>	<u>0- 2½</u>
TAAL, STYL EN REDIGERING 10 PUNTE	-Teks is grammatikaal akkuraat; sinne goed saamgestel. -Woordeskat is baie toepaslik vir doel van teks, gehoor en konteks. -Styl, toon en register baie toepaslik. -Teks feitlik foutloos na proeflees en redigering. -Lengte is in ooreenstemming met vereistes.	-Teks is grammatikaal akkuraat; sinne goed saamgestel. -Woordeskat is meestal toepaslik vir doel van teks, gehoor en konteks. -Styl, toon en register meestal toepaslik. -Teks oorwegend foutloos na proeflees en redigering. -Lengte is in ooreenstemming met vereistes.	-Teks is grammatikaal maklik om te lees; sinne is goed saamgestelWoordeskat is toepaslik vir doel van teks, gehoor en konteksStyl, toon en register oor die algemeen toepaslikTeks meestal foutloos na proeflees en redigeringLengte is in ooreenstemming met vereistes.	-Teks is voldoende saamgestel ten spyte van fouteWoordeskat is voldoende vir doel van teks, gehoor en konteksStyl, toon en register voldoendeTeks het steeds foute na proeflees en redigeringLengte is amper korrek.	-Teks is basies saam- gestel. Verskeie foute. -Woordeskat is beperk en nie baie van pas vir doel van teks, gehoor en konteks nie. -Styl, toon en register toon gebreke. -Teks het steeds baie foute na proeflees en redigering. -Lengte is te kort/ te lank.	-Teks is swak en moeilik om te volgWoordeskat benodig remediëring en is nie geskik vir doel van teks, gehoor en konteks nieStyl, toon en register nie geskik vir onderwerp nieTeks is besaai met foute ten spyte van proeflees en redigeringLengte is te kort/ te lank.	-Teks is swak saamgestel en verwarrendWoordeskat benodig ernstige remediëring en is nie toepaslik vir doel van teks nieStyl, toon en register pas nie by onderwerp nieTeks is besaai met foute en verwarrend ten spyte van proeflees en redigeringLengte is heeltemal te kort/te lank.

# AFDELING C: KORTER TRANSAKSIONELE TEKS - EERSTE ADDISIONELE TAAL

20	Baie goed - Puik KODE 7	Goed KODE 6	Bo-gemiddeld KODE 5:	Gemiddeld KODE 4	Ondergemiddeld KODE 3	Swak, maar slaag KODE 2	Te swak om te slaag  KODE 1
PUNTE	Uitmuntend 80-100%	Verdienstelik 70-79%	Beduidend 60-69%	Voldoende 50-59%	Matig 40-49%	Basies 30-39%	Ontoereikend 0-29%
INHOUD, BEPLANNING EN FORMAAT 13 PUNTE	-Gespesialiseerde kennis van vereistes van teksGedissiplineerde skryfwerk; behou deurgaans baie goeie fokus, geen afwykings nieInhoud en idees is algeheel samehangend; alle detail ondersteun onderwerpBeplanning en/of eerste poging lei tot 'n feitlik foutlose, gepaste teksAl die nodige reëls vir die formaat is toegepas/uitmuntend.	9½-10  -Goeie kennis van vereistes van teksGedissiplineerde skryfwerk, behou goeie fokus, byna geen afwykings nieInhoud en idees is samehangend, alle detail ondersteun onderwerpBeplanning en/of eerste poging lei tot 'n goed saamgestelde, gepaste teksAl die nodige reëls vir die formaat is toegepas/verdienstelik.	8-9  -Redelike kennis van vereistes van teksBehou bo-gemiddelde fokus, onbenullige afwykingsInhoud en idees is samehangend, details ondersteun onderwerpBeplanning en/of eerste poging lei tot 'n gepaste, goeie teksMeeste van die nodige reëls vir die formaat is toegepas/beduidend.	-Gemiddelde kennis van vereistes van teksGemiddelde fokus, Inhoud wyk af van onderwerp, maar dit belemmer nie die oorhoofse betekenis nieInhoud en idees voldoende samehangend, sommige van die detail ondersteun die onderwerpBeplanning en/of eerste poging lei tot 'n bevredigende teksKennis van die nodige reëls vir die formaat is	5½-6  -Ondergemiddelde kennis van vereistes van teks. Respons op geskrewe teks toon 'n onder – gemiddelde fokusInhoud wyk af van onderwerp. Betekenis is plek-plek vaagInhoud en idees het leemtes in hul samehang; basiese detail ondersteun die onderwerpBeplanning en/of eerste poging lei tot 'n ondergemiddelde dog redelik, verstaanbare teksKennis van die nodige reëls vir die formaat is ondergemiddeld.	4-5  -Swak kennis van vereistes van teks. Respons op geskrewe teks toon 'n swak/beperkte fokusInhoud wyk af van Onderwerp, betekenis is plek-plek verwarrendInhoud en idees min samehangend, min detail ondersteun onderwerpBeplanning en/of eerste poging gebrekkig. Teks nie goed aangebied nieKennis van die nodige reëls vir die formaat is vaag.	O-3½  -Swak/Geen kennis van vereistes van teks nie. Respons op geskrewe teks toon baie swak/geen fokusInhoud wyk af van onderwerp, betekenis is verwarrendInhoud en idees nie samehangend nie, te min detail ondersteun die onderwerpBeplanning en/of eerste poging nie gedoen nie. Swak aanbieding van teksGeen kennis van die nodige reëls vir die formaat nie.
TAAL, STYL EN REDIGERING 7 PUNTE	-Teks is grammatikaal akkuraat. Sinne goed saamgestelWoordeskat is baie toepaslik vir doel van teks, gehoor en konteksStyl, toon en register baie toepaslikTeks feitlik foutloos na proeflees en redigeringLengte is in ooreenstemming met vereistes.	5-5½  -Teks is grammatikaal akkuraat. Sinne goed saamgestelWoordeskat is meestal toepaslik vir doel van teks, gehoor en konteksStyl, toon en register meestal toepaslikTeks oorwegend foutloos na proeflees en redigeringLengte is in ooreenstemming met vereistes.	-Teks is grammatikaal maklik om te lees. Sinne is goed saamgestelWoordeskat is toepaslik vir doel van teks, gehoor en konteksStyl, toon en register oor die algemeen toepaslikTeks meestal foutloos na proeflees en redigeringLengte is in ooreenstemming met vereistes.	3/2-4 -Teks is voldoende saamgestel ten spyte van fouteWoordeskat is voldoende vir doel van teks, gehoor en konteksStyl, toon en register voldoendeTeks het steeds foute na proeflees en redigeringLengte is amper korrek.	oridergerifided. Kritiese, nalatige foute is begaan.  3  -Teks is basies saamgestel. Verskeie fouteWoordeskat is beperk en nie baie van pas vir doel van teks, gehoor en konteks nieStyl, toon en register toon gebrekeTeks het steeds baie foute na proeflees en redigeringLengte is te kort/ te lank.	2½  -Teks is swak en moeilik om te volg.  -Woordeskat benodig remediëring en is nie geskik vir doel van teks, gehoor en konteks nie.  -Styl, toon en register nie geskik vir onderwerp nie.  -Teks is besaai met foute ten spyte van proeflees en redigeringLengte is te kort/te lank.	O- 2  -Teks is swak saamgestel en verwarrendWoordeskat benodig ernstige remediëring en is nie toepaslik vir doel van teks nieStyl, toon en register pas nie by onderwerp nieTeks is besaai met foute en verwarrend ten spyte van proeflees en redigeringLengte is heeltemal te kort/te lank.